



Inatsisartuni ilaasortaq, Sofia Geisler
Inuit Ataqtigiit

§ 37 naapertorlugu apeqquut 087_2018 Majoriaq-mut apeqqutaasunut akissutit

Asasara Sofia Geisler

Majoriami atuagarsorluni piginnaangorsarnermik ingerlassaqartutut innuttaasunut tunngatillugu apeqqutinnut qujanaq. Apeqqutitit suliaasaqarfinnut innersuussutaapput, imatullu akineqarput:

Meeqqat Atuarfianiit ilinniartinnut ingerlaqqinngitsut ukiut kingulliit 5-at, tassa ukiuni 2013, 2014, 2015, 2016, 2017, qanoq amerlatigippat?

Akissut:

2017-imi maajip qaammataa tikillugu ilinniagaqarnernut aqutissiuisutut misilitsinnernut ingerlatitsisunik atuagarsornikkut piginnaangorsarnermik ingerlassanik marlunnik Majoriaq ingerlatsisuusimavoq. Ingerlataq ataaseq tassaavoq AEU - Inuussutissarsiutinik Ilinniagaqalernermut Akuerisamik Isissutissiaq¹ aappaalu tassaalluni FA – Meeqqat Atuarfianni Soraarummerneq.

Piffissami 2013-2017-imi soraarummeernertalimmik AEU-mik naammassinnilutik inuit amerlassusaannik ataani takussutissiaq takutitsivoq.

AEU-mi soraarummeernermik naammassinnittutut inuit amerlassusaat	2013	2014	2015	2016	2017
Maaji	464	480	357	364	335
Decembari	246	166	117	113	-

Najoqqutaq: Aatsitassanut, Suliffeqarnermut Nunamullu Namminermut Naalakkersuisoqarfik

Piffissami 2013-2017-imi Majoriami meeqqat atuarfianni soraarummeertutut inuit amerlassusaannik ataani takussutissiaq takutitsivoq.

FA-mi soraarummeerner-mik naammassinnittutut inuit amerlassusaat	2013	2014	2015	2016	2017
Ukiumoortumik	99	99	104	104	96

Najoqqutaq: Aatsitassanut, Suliffeqarnermut Nunamullu Namminermut Naalakkersuisoqarfik

¹ AEU inuussutissarsiorfinni ilinniartinnut ississutaavoq

2018-imit AEU-mi ingerlassamik unitsitaqarnermi Meeqqat Atuarfianni Soraarummeertutut ilinniartut amerlassusaat marloriaatit sinnersimalissvaat. 2018-imi aasami meeqqat atuarfianni soraarummeernermit Majoriamit ilinniartut 350-it missaat tiguneqarsimapput.

1. Meeqqat Atuarfianniit ingerlaqqinngitsut ilinniakkanut appakaannissaannut pisortat qanoq pilersaaruteqarpat?

Akissut:

Innuttaasut Majoriami ingerlatsisut meeqqat atuarfiannit soraarummeernermit uppersaatisinnaassagunik FA-mi ukioq ilinniarfik ilivitsaq, qaammatinik qulinik sivisussuseqartoq naammassinniarlutik atortarpaat.

Majoriami atuagarsorluni ingerlassani ilinniartut qaammatinik qulikkaanik piffissanut marlunnut ilinniartunut tapiissutisinissaminnut pisinnaatitaanerat Ilinniartunut tapiisarneq pillugu Inatsisartut inatsisaat nr. 45, 23. november 2017-imeersumi aalajangersagaavoq. Innuttaasup katillugit qaammatini 20-ni FA-mi ilinniaqaqarsinnaaneraniq tamanna isumaqarpoq. Ukiuunerani inuussutissarsiutinik ilinniakkani inuusuttut tiguneqarsinnaannissaannut tunngatillugu Majoriap FA-mi ukiumoortumik misilitsinnermik marlunnik neqerooruteqarneranut eqaassuseqarnermik tamanna tamatumunnga tunngaviuvoq.

Ukiuunerani agguaqatigiissillugit ilinniartut 150-it missaat misilitsittarput. Majoriami FA-mi misilitsinnerit decembarimi/januaarimi pisarput, aammalu meeqqat atuarfianni nalinginnarmik aprilimi/juunimi misilitsinnerit peqatigalugit.

Innuttaasut Majoriami ingerlassaanni ataasiakkaani assut assigiinngissuteqartoqarpoq. Ilaannut FA-mi ilinniagaqalernissamut, meeqqat atuarfianni soraarummeernermit kinguneqartumut aqut sioqqutsisoq tassaavoq sannavimmi ingerlassakkoorneq, imaluunniit suliffimmi sungiusarnermik ingerlassakkoorneq.

Tamatumunnga patsisaasoq tassaavoq Majoriami ilitsersuinermit iliuuserisaqartarneq, ingerlassami innuttaasoq malittarineqartarluni, pineqartoq atuagarsornermik ingerlassamut piareerlunilu naammassissinnaanissaa nalilersorniarlugu.

2. Meeqqat atuarfianniit ilinniarfinnut ingerlaqqinngitsut, suliffeqanngitsut, suliffissarsiortutut nalunaarsorneqanngitsut qanoq amerlatiginersut kisitsisaatigineqarpa?


Akissut:

Inuusuttut Majoriamiissimasut tassaapput AEU-mi FA-milu atuagarsorluni piginnaangorsarnermik pissarsiaqartuusutut paasiniagassat.

Ingerlatsiviit 17-it tamarmik 2017-imi maajip qaammataa tikillugu AEU-mi piginnaangorsarnermik neqerooruteqartuupput, ingerlatsiviillu arfineq-pingasut Meeqqat Atuarfianni Soraarummeernermit aqutissiuisumik ingerlassaqarnissamik neqerooruteqarlutik.


Siusinnerusukkut misissuinerit takutippaat, piffissami 2012-2014-imi Majoriami FA-mik ingerlassamik ukiumoortumik agguaqatigiissillugu inuit 101-it naammassinnissimapput. Agguaqatigiissillugit 60 %-ingajaat ilinniagaqarnermut toqqaannartumik ingerlaqqissimapput. Ukiup ataatsip iluani nangitsissummik ilinniakkami agguaqatigiissillugit 73 %-it aallartitaqarput.

Ilusiliaq 1: Ilinniakkamut ingerlaqqillutik FA-mik ingerlassami naammassinnissimasutut ilinniartut amerlassusaat; 2012/13-2014/15



Piffissami 2012-2014-imi Majoriami AEU-mi ingerlassami agguaqatigiissillugu ukiumoortumik inuit 540 misilitsissimapput. Ilinniakkamut toqqaannartumik ingerlaqqittut agguaqatigiissillugit 20 %-iupput. Ukiup ataatsip iluani nangitsissummik ilinniakkami agguaqatigiissillugit 34 %-it aallartitaqarput.

Ilusiliaq 2: Ilinniakkamut ingerlaqqillutik AEU-mik ingerlassami misilitsissimasut ilinniartut amerlassusaat; 2012/13-2014/15



Piginnaangorsarnerup naanerata kingornatigut AEU-mi ilinniartuusimasut ilaat ilinniagaqarnermut ingerlariaqqinneq ajortut takuneqarsinnavoq. AEU-mi ilinniartut taakku ilaat Majoriami FA-mi nangitsipput, taamaaliornermikkut

gymnasiami ilinniarsinnaanissamut periarfissinniarlutik. Ukiumi ilinniarfimmi 2012/13 aamma 2013/14-imi AEU-mi misilitsereernermik kingornatigut ukiup ataatsip iluani ilinniartut 10 %-iisa missaat FA-mi nangitsipput.

Ataatsimut isigalugit tamatuma nassataraa AEU-mi ilinniartut 2012/13 aamma 2013/14-meersut 2014/15-imi FA-mi aallartittuni ilinniartuusunit 33 %-iunerat.

AEU-mi ingerlassap unitsitaanerani FA-mi ingerlassaq annertunerusumik sammineqalerpoq, taamaalillutik siunissamut assigniissitaartumik ilinniartitsinikkut misilitsinnikkullu ingerlassat atugarineqalissammata.

Inussiarnersumik inuulluaqqusillunga


Vittus Qujaukitsoq

INUIT ATAQATIGIIT

Inatsisartuni



Ulloq 23. maj 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Meeqqat Atuarfianni soraarummeerutaasunik tamakkiisumik naammassinninniarlutik Majoriaq-mut ingerlaqqittartut ukiut kingulliit tallimat, tassa ukiuni 2013, 2014, 2015, 2016, 2017, qanoq amerlatigippat?**
- 2. Agguaqatigiissillugu ukiut qassit inummut ataatsimut atorneqartarpat Majoriaq aqqutigalugu Meeqqat Atuarfiannik tamakkiisumik naammassiniarnermini?**
- 3. Meeqqat Atuarfiannik tamakkiisumik nammassinnissimanatik Majoriamut ingerlaqqittut Majoriameereernermini ilinniakkanut ingerlaqqiffiusunut ingerlaqqittut qanoq amerlatigippat?**

(Inatsisartuni ilaasortaq Sofia Geisler, Inuit Ataqatigiit)

Tunggavilersuut:

Meeqqat Atuarfiat pillugu Inatsimmi Atuarfik pillugu Inatsisartut inatsisaat nr. 15, 3. December 2012-meersumi, kap. 2-mi erseqqarippoq inatsisip atuutsinneqarnerani siunertaq pingaarneq sumik imaqartoq. Ilisimavara Meeqqat Atuarfiata ingerlanneqarnera Kommunenit isumagineqarmat, illuatungaani aningaasaliiffineqarnera Inatsisartut Aningaasanut Inatsisaat aqqutigalugu pisarmat paaserusunnarpoq aningaasaliissutit naammassineqartullu imminut naapertuuttumik inissisimanersut.

Ilisimavara Majoriaq suliffissaqartitsinermik aamma suliassaqarmat, aammali ilisimallugu amerlasuutigut Meeqqat Atuarfiannik tamakkiisumik naammassinninngitsut Majoriamut ingerlaqqittarsimasut tassani Meeqqat Atuarfiannik tamakkiisumik naammassinissaminnik periarfissinneqartarlutik.

Kissaatigivara apeqquktikka ullut suliffiusut qulit qaangiutinnginneranni akineqarnissaat.